

ԳԵՐՄԱՆԱՑԻ ԱԿԱՆԱՏԵՍԻ ՎԿԱՅՈՒԹՅՈՒՆԸ ՀԱՅՈՑ ԵՂԵՌՆԻ ՄԱՍԻՆ

Մեր օրերում, երբ Թուրքիայում իրագործված հայոց ցեղասպանությունն ճանաչման հարցը գնալով նոր հնչեղություն է ստանում՝ իր վրա բեռնելով միջազգային հանրության ուշադրությունը, մանավանդ կարևոր է դառնում գերմանական փաստաթղթերի հրապարակումը, այն կողմի փաստաթղթերի, որը Թուրքիայի դաշնակիցն էր ու բարեկամը Առաջին աշխարհամարտում և որի թողությունը և համաձայնությունը երիտթուրքական կառավարությունը իրականացրեց արևմտահայ ժողովրդի եղեռնը: Իրենց բարեկամ գերմանական գործիչների վկայության գեպքում Թուրքական կողմը պարզապես լռում է:

Միաժամանակ մի բան ստույգ ակնբեր է. եթե Գերմանիայի կայսերական կառավարությունը կամենար, ապա Թուրքիայում ունեցած իր քաղաքական ազդեցությունը և ռազմական հզոր ներկայությունը լիովին կարող էր կանխել հայոց ցեղասպանությունը: Սակայն, ելնելով քաղաքական հաշիվներից, կայսերական կառավարությունը դա չկամեցավ, չուզեց «վիրավորել» իր Թուրք դաշնակիցին: Ընդհատ այնպես, ինչպես Քլինտոնի պահանջով ամերիկյան կոնգրեսի օրակարգից հանվեց հայոց ցեղասպանության հարցի քննարկումը: Զարմանալու ոչինչ չկա. պատմությունը գաժանորեն կրկնվում է ի վնաս ճշմարտության և հօգուտ ուժեղների:

Արգեն 1915 թ. մայիսի 31-ին Կ. Պոլսում գերմանական դեսպան Վանգեն-Հայմը ստանում է էնվերի առաջարկը՝ չխանգարել արևմտահայերի բռնադադարից մասն ուղղված Թուրքական գործողություններին: Այդ մասին նույն օրը դեսպանը № 1263 թվակիր գրությունը Գերմանիայի արտգործնախարարությանը իրադեկում էր, թե էնվերը «համառորեն խնդրում է, որպեսզի մենք (գերմանացիները – Վ. Մ.) այդ գործում նրան չխանգարենք»: «Իհարկե, – գրում էր Վանգեն-Հայմը, – այդ միջոցառումները հայ բնակչությանը բերում են դաժանություն: Իայցե այն կարծիքին եմ, որ այդ միջոցառումները մենք, թերևս, ձեռնարկում պետք է մեղմացնենք, բայց սկզբունքորեն չխանգարենք զրանց»: Մի փոքր ուշ գերմանական դեսպանությունը Թուրքիայում հավատարմագրված գերմանական բոլոր հյուպատոսներին իջեցրած շրջաբերական հրահանգով պարտավորեցնում է մնալ չեզոք և չխանգարել հայերի ողջակիզմանն ուղղված Թուրքական կառավարության գործողություններին:

Ստորև հրապարակվող փաստաթուղթը մենք քաղել ենք կայսերական Գերմանիայի արտգործնախարարության քաղաքական արխիվից, 1989 թ.: Թեև փաստաթղթերի վերջին մասը և հավանորեն այդ պատճառով նրա հեղինակի անունը չեն պահպանվել, սակայն պահպանվել է նորբու մահացած Վանգեն-Հայմին փոխարինած բարոն Ֆոն Նոյրատին հասցեագրված 1915 թ. օգոստոսի 10-ի կից գրությունը, որը դուրյան իսկ կասկած չի թողնում փաստաթղթերի վավերական լինելու մասին: Ինչպես երևում է կնիքից, կից գրության հեղինակը «Անատոլիայի

օսմանյան երկաթուղի» ընկերության («*Chemin de Fer Ottoman d'Anatolien*») ներկայացուցիչն է:

Հաղորդման բովանդակությունն ակնհայտորեն վկայում է, որ նրա հեղինակը Թուրքիայում գտնված գերմանական գործարար շրջանակների այն ներկայացուցիչներից մեկն էր, որը, ինչպես ինքն է գրում, ահա 20 տարի է (1895–1915 թթ.), ինչ գտնվում է Թուրքիայում և ականատես է հայկական երեք ցեղասպանությունների (1890-ական թվականներին, 1908 թ. Ազանայի ջարդերին և 1915 թ. Մեծ եղեռնին):

Եվս մի կարեոր հանգամանք. հեղինակը իր հաղորդումը կազմել է Թուրքիայում, հենց Հայոց ողջակիզման օրերին և կազմել է սոսկ գերմանական պաշտոնական շրջաններին գաղտնի իրադեպերը նպատակով, իրողություններ, որոնք ավելի քան կարևորում են փաստաթղթերի նշանակությունը:

Սույն փաստաթղթերի հրատարակումը ունի որոշակի պատմաիրավաբանական իմաստ՝ այն, որ նրա հեղինակը Թուրքիայում ապրած, Հայերին չհամակրող Հայաստանի մի գերմանացի է, և, հետեաբար, նրան անհնարին է կասկածել Հայերի օգտին Թուրքերի դեմ վկայելու մեջ: Ընդհակառակը, Թուրքական պրոպագանդայի ազդեցությամբ կամ էլ իր իսկ հակահայկական տրամադրությամբ ներդաշնակ նա առանց որևէ հիմնավորման և փաստարկման տարածվում է Հայ հանցագործների հասցեին, կրկնում Թուրքերի նկատմամբ «Հայերի գործադրած բռնությունները» մասին Թուրքական առասպելը, որը Թուրքական պրոպագանդիստական մեքենան, Թուրքիային քաջատեղյակ ավստրիացի ճանաչված հրատարակախոս դոկտոր Ստեֆան Շտայնի վկայությամբ, տարածում էր աշխարհով մեկ, հայտարարելով, թե «Հայերն աշխարհում ամենամեծ հանցագործներն են, իսկ Թուրքերը սոսկ Հայկական բարբարոսության անմեղ զոհերը»:

Փաստաթղթի հեղինակը, այնուամենայնիվ, Հայերի զանգվածային ոչնչացմանը և բռնազաղթեցմանը դեմ հանդիման չի դիմացել և անհրաժեշտ է համարել դրանց մասին խիստ դաղտնի կերպով իրազեկել գերմանական իշխանություններին՝ տողերի արանքում զգուշացնելով Գերմանիայի համար դրանց անախորժ հետևանքները: Տվյալ դեպքում, այնուամենայնիվ, մենք գործ ունենք մի փաստաթղթի հետ, որտեղ օբյեկտիվորեն ներկայացված է 1915 թ. ամռանը Թուրքերի կողմից կատարված Հայոց բռնազաղթեցման և ոչնչացման սահմակեցուցիչ պատկերը, մի փաստաթուղթ, որին Թուրքական կողմը ոչինչ հակադրել, առավել ևս այն հերքել չի կարող:

Թուրքիայում իրագործված Հայոց ցեղասպանության միջազգային ճանաչման գործընթացը ցանկացած գնով խափանելու համար այժմ Թուրքական շրջանակները, ամերիկյան որոշ «Թուրքասերների» հետ դաշն կնքած, առաջարկում են սկսել երկխոսություն հայ պատմաբանների հետ, այն բանի համար, որպեսզի ապացուցվի վաղուց ապացուցված իրողությունը՝ Թուրքիայում կատարված Հայոց ցեղասպանության մասին:

Այդ ծուղակի նպատակը ավելի քան ակնհայտ է, այն է՝ պետությունների քննարկման օրակարգից հանել Թուրքիայում Հայոց ցեղասպանության ճանաչման հարցը և այն հանձնել պատմաբանների երկխոսությանը, այսինքն հնարավորություն տալ Հայաստաններին և պատմության կեղծարարներին որքան հնարավոր է ձգձգել հարցը և այն վերածել անպտուղ և անիմաստ բանավեճի առարկայի: Ոչ մի հայ (և ոչ միայն հայ) պատմաբան, որը դեռևս չի կորցրել իր խիղճն ու

ողջամտութիւնը, չի կարող համաձայնվել այդ նենգ առաջարկի հետ, քանի որ ոչ միայն նրանց, այլև քաղաքակիրթ համայն աշխարհի համար թուրքիայում իրագործված հայոց ցեղասպանութիւնի փաստը վաղուց ապացուցված ճշմարտութիւն է: Չէ՛ որ դեռևս 1919թ. այն ճանաչեց թուրքական ռազմական գատարանը, որը հայոց ցեղասպանութիւնը կազմակերպած 8 թուրք պարադիւններին դատապարտեց մահապատժի: Այնուհետև, ի՞նչ պետք է այդ երկխոսութիւնի ժամանակ ապացուցի հայկական կողմը, այն, որ ցեղասպանութիւնը հետեանքով դադարեց գոյութիւն ունենալ ամբողջ Արեւմտահայաստանը՝ պատմական Հայաստանի 9/10 մասը, որ ոչնչացման ենթարկվեցին ավելի քան 1,5 մլն հայեր ... իրողութիւններ, որոնք ողջ աշխարհին քաջ հայտնի են և ապացուցման կարիք չեն զգում:

ՎԱՐԴԳԵՍ ՄԻՔԱՅԵԼՅԱՆ

Կոստանդնուպոլիս, 10 օգոստոսի 1915

Շատ հարգելի պարոն Ֆոն Նոյրատ.

Առընթեր Ձեզ եմ հղում ինձ հասած մի զեկույց՝ հետագայում ըստ պատկանելւոյն ուղարկելու համար:

Ողջույններով՝

Ձեզ նվիրված (ստորագրութիւն)

Կայսերական դեսպանութեան
պարոն խորհրդական բարոն ֆոն
Ն ո յ Ր ա տ ի ն

Ա յ ս տ ե ղ

Politisches Archiv des
auswärtigen Amtes kaiserlichen
Deutschlands, R 14105, Ab. 49683

Խիստ գաղտնի

Ես այնուամենայնիվ օգտվում եմ ինձ ներկայացած հարմար առիթից, վստահելի անձնավորութիւն միջոցով Ձեզ հղելու խիստ գաղտնի տեղեկութիւններ: Լրարբեր հավասարապես կարող է Ձեզ տալ գաղտնի տեղեկութիւններ, որոնք չպետք է հայտնի լինեն հանրութեանը:

Խոսքը վերաբերում է Օսմանյան կայսրութեան արևելյան նահանգներում կատարվող մեծ հետապնդումներին: Նախքան մանրամաս-

նություններ հաղորդելը, ես ուզում եմ հայտնել, որ ես ոչ մի դեպքում ինձ համար շատ անհամակրելի այս ժողովրդի բարեկամը չեմ: Ես հաստատ գիտեմ, որ հայերը ուսուների կողմից գայթակղված, պատրաստ են եղել հանդես գալ Թուրքիայի դեմ: Ես տեղյակ եմ այն մասին, որ հայկական շատ տներում հայտնաբերվել են մեծ քանակությամբ ուղմբեր, հրացաններ, փամփուշտներ: Ինձ հայտնի է, որ հայերը Սամսունում, Դյորտոլում թշնամու նավերին ազդանշան են տվել, որ նրանք պետական դավաճանության մեղքեր են դործել: Ես լսել եմ, որ նրանք Վանում և Բիթլիսում թուրքեր են սպանել, կարճ ասած ես գիտեմ, որ խիստ և արտակարգ միջոցառումները պահանջել են երկրի անվտանգության շահերը:

Ոչ ոք, իհարկե, չէր կարող հանդիմանել, եթե բազում մեղավորներ հրապարակավ մահապատժի ենթարկվեին: Ցավոք, դա եղել է միայն առանձին դեպքերում և ցավոք, առկա են համողիչ ապացույցներ, որ Արևելքում (Օսմանյան կայսրության մեջ — Վ. Մ.), հակառակ գերմանական լրագրերում եղած բոլոր հերքումներին, հայերը սխտեմատիկորեն դիտարկում ոչնչացվում են: Կարճ ասած գործ ունենք մի ժողովրդի ոչնչացման հետ այնպես, ինչպես այն այնպես հիմնովին հասցվեց հրեա ժողովրդին Հոոմի կողմից Բար Կողբայի պատերազմում:

Որ գերմանական կառավարությունը սահմանամերձ և առափնյա շրջաններից վտանգավոր ժողովրդի հեռացմանը իր տված համաձայնությունը կարող է բացատրել, դա ինձ համար ակներև է, բայց նա չի կարող, ինչպես դա այսեղ թուրք ժողովրդին են ներկայացնում, համաձայնվել հայերի ոչնչացման հետ և, ցավոք, որքան հաճախ էին ինձ դրանում համոզում ժողովրդի և զինվորականության միջև: Այո, անգամ պահանջում են ընդունել, թե այդ «աշխատանքը» որքան հիանալի է կատարվում:

Ես չըջել եմ Անդոբա վիլայեթի արևելյան հատվածը, Կայսարիի մութասերիֆլիքը, Կիդիլ Իրմակից հյուսիս ընկած տարածքները, առաջներում Սիվաս վիլայեթի մի մասը: Վերջինում բոլոր գյուղերը ես գտա մի մասով լրիվ դատարկ, մյուս մասով տղամարդ բնակչությունից զրկված: Սեփական աչքերով տեսել եմ, թե ինչպես թուրքերը դեղեցիկ կանանց առևանգում էին, հայ կանանց հետ դուրս էին գալիս թփուտներից, դռները գոցած տներից լսել եմ կանանց և երեխաների լացուկոծն ու աղիողորմ ճիչերը: Ես տեսել եմ, թե ինչպես լծկան անասունների և սայլերի վրայից կողոպտում էին այս մարդկանց տնային աղքատիկ իրերը: Կողոպտիչները իմ ներկայությունից փոքր-իսկ չէին քաշվում: Ընդհակառակն, թուրքերը ինձ բարեկամաբար համոզում էին, որ դա Գերմանիայի հրամանն է, որ ես ևս այնքան հավ վերցնեմ, որքան կարիք կունենամ ճանապարհին:

Սարիզլայից հյուսիս, Կիդիլ Իրմակի աջ ափին շատերի թվում ես հանդիպեցի նաև տարիներ առաջ ինձ ծանոթ մի զինվորի: Ինձ պատմեցին, որ մի քանի օր առաջ մի փոքրիկ կիրճում, հանքային տաք ջրերից ոչ հեռու գնդակահարել են մոտ 2000 հայ:

Երբ երեկոյան հասա Սարիզլա, տեսա հայ կանանցով և երեխաներով բեռնված մոտ 300 եզասայլեր, նրանք իրենց հետ ոչինչ չէին տանում, բացի ցնցոտի ծածկոցներից, հաճախ կային նաև գրեթե այնպիսիները, որոնք չունեին ոչ տնային իրեր, ոչ էլ պարեն: Շատ ողբալի էր տեսնել այդ

սովյալներին ու թշվառներին: Ամբողջությամբ վերցրած կլինեն 12-15000 մարդ: Ակներևարար, նրանց ուզում էին քչել գեպի Ուզունյայլայի անապատը, որպիսի անմխիթար երկիրը ձգվում է Եփրատի և Արգաուսից արևելք ընկած Հրաբխային շրջանի միջև: Այստեղ չի կարող կերակրվել մարդկանց մեծ բազմություն: Ես այդ վայրը գիտեմ իմ նախկին ուղևորությունից ի վեր: Վերջապես գինվորները Հրապարակորեն պատմում են, որ այս մարդկանց քշում են դեպի գերեզմաններ, և այդ թշվառների ճակատագիրը միայն մահն է: զրուցելուց հետո այդ առթիվ ոչ մի կասկած չմնաց:

Միվաս քաղաքում այլևս ոչ մի հայ չես տեսնի, կանայք ու երեխաները, ծերերը քշվել են Ուզունյայլա: Սելջուկյան հին մեղրեսները վերածվել են բանտերի, որոնք լեփ-լեցուն են հայերով: «Մենք նրանց բոլորին կսպանենք», – ասաց ինձ ուղեկցող սպան: Միվասում հայկական բոլոր խանութները փակել են և կնքել: Քաղաքը ունի 60-80000 բնակիչ և թերևս 30000 հայ բնակիչ, որոնց ձեռքում է գտնվում այս քաղաքի հիմնական առևտուրը. երկար ժամանակով այն ոչնչացված է:

Երբ ես կրկին վերադարձա Կայսարի, Հանդիպեցի երկար քարավանի վրա նստած հայերի, որոնց Սամսունից շրջանցիկ ճանապարհով Միլեի միջով քշում էին Միվաս: Նրանց թվում կային հայ կաթողիկ հոգևորականներ և միանձնուհիներ: Այդ առթիվ ես զարմացա եթե ուզում են ռուսական սահմանին մերձակա շրջանները մաքրել վտանգավոր տարրերից, չպետք է որ նրանց նորից Արևելք քչեն:

Սարիղչլայում կրկին հասել էին հայ կանանց ու երեխաների մեծ քարավաններ, որոնց պետք է քչեն Ուզունյայլա: Այնտեղ ես Հանդիպեցի պարոն կոմս Շուլենբուրգի արշավախմբին, որին ես իմ դիտարկումները հայտնեցի: Ես այնուհետև տեղեկացա, որ էրզինջանի շրջակայքում կանայք և երեխաներ գինվորների կողմից սարսափելի ձևով կոտորվել էին, որ կարմիր խաչի գթության քույրերը, որոնք արտահայտել էին իրենց բողոքը, էրզինջանի մուսուսարիֆի կողմից սպառիների ուղեկցությամբ կուպիտ ձևով հեռացվել էին երկրից՝ անհետևանք թողնելով գերմանական սանիտարական կայանի ղեկավարի վճռական բողոքները:

20 տարի է ես այս երկրում եմ և մասնակցում եմ այժմ արդեն երրորդ հայկական հետապնդմանը: Ես կարող եմ նույնիսկ ասել, որ այս վերջինը ամենաարմատականն է, քանի որ գրեթե համոզվածությամբ կա, որ էրզրումի, Միվասի և սահմանամերձ նահանգների ամբողջ ազգաբնակչությունը սպանված է կամ էլ պետք է սպանվի:

Երբ ես գրեթե մեկամսյա բացակայությունից հետո կրկին Կայսարի հասա, հենց այդ ժամանակ տղամարդ բնակչությունը վտարվում էր և հատկանշական է նորից Արևելք, դեպի հայ ժողովրդի մեծ գերեզմանը: Կայսարին առևտրի համար չափազանց կարևորագույն մի վայր է: Այն ամբողջությամբ ընկած է հայերի ուսերին: Հայոց բոլոր խանութները ես գտա փակված, շուկան ավերված, ինդուստրիան, գործվածքեղենի արտադրությունը, գորգագործական ֆաբրիկաները ավերված: Այս ամենը կարող է միայն դառն հետևանքներ ունենալ:

«Արդյոք Դուք ունե՞ք այն բանի ապացույցները, ինչ որ ասում եք», – հարցրեց ինձ կոմս Ֆոն Շուլենբուրգը: Անհերքելի անուղղակի ապացույցը երկիրն ու մարդկանց իմ լավ իմանալն է, շաա ավելի լավ, քան գերմանական մամուլում թուրքիայի «գիտակ հոչակված» գր. Յաքհր և ընկերները, որը Ագանայի կոտորածների մասին ճշմարտութայնը հակասող մի հողված է դրել, որը պնդում է, թե անատոլիական ռեգիֆների մի գունդը ավելի գերադասելի է, քան հետևակի առաջին գվարդիական դունդը: Մեր գվարդիայից վեր դասված այդ ռեգիֆր այժմ հերոսութուններ է գործում և կոտորում է կանանց ու երեխաների:

Գերմանական մեր մամուլը համոզված կերպով հերքում է կոտորածները, այլափոխում դրանք:

Մենք, գերմանացիներս, մեր պատերազմը վարում ենք արժանավայել կերպով, մեր թշնամիները մեզ վարկաբեկում, զրպարտում են, կարող են ատել, քանի որ մենք միայն արյուն ենք թափել որտեղ մեղավորներ կային: Ով պետական դավաճան է, պետք է մահանա: Հայերի մեջ հազարավոր մեղավորներ կան, նրանց պետք է հրապարակավ դատել: Բայց սպանել կանանց ու երեխաների, ոչնչացնել մի ժողովուրդ, որը, եթե անդամ անհաճո է, բայց առետրին անընդունակ թուրքերի համար մի անհրաժեշտութուն է, գա, բացի անմարդկային լինելուց, չափազանց հիմարութուն է, քանի որ տանում է դեպի պետութայն սնանկացում և երկիրը դարձնում անկենսունակ:

Քանի որ մենք ամենուրեք թշնամիներ ունենք, մենք պետք է զդուշանանք...